



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendivm Summæ Card. Toleti

Minucius, Genesisius

Sammieli, 1613

De causa formàli & finali exco[m]munionis & de se[n]te[n]tia iust. &
iniusta valida & inualida cap. 9. & 10.

urn:nbn:de:hbz:466:1-41701

xima est peccatum mortale consummatum, contumacię coniunctum, quod intelligitur etiam, quando fulminatur in futurum peccatum ex inobedientia, quia omnis inobediens, præsumitur contumax. Ignorantia inuincibilis excusat, nec vlla excommunicationis iuris comprehendit mandantes, consulentes, fauorem, vel auxilium præstantes, nisi exprimat, sed solum facientes, & quando illi exprimentur, non incurrant, nisi sequatur effectus.

De causa formali, & finali excommunicationis, & de sententia, iusta, & iniusta, valida, & inualida. Cap. 9. & 10.

IN iure non assignatur aliqua excommunicationis forma determinata, sed possumus uti huiusmodi verbis excommunico, sepa-

ro, anathematizo, &c. in ea vero excommunicatione, quæ ab homine fertur, nonnullæ circumstantiæ sunt necessariae. * Prima, quod præcedat trina admonitio, aut saltem vna pro tribus, datis tribus interuallis duorum dierum pro singulis. Quando verò est casus quispiam à iure sub excommunicationis pœna vetitus, potest quis ab homine sine vlla admonitione propter idem delictum excommunicari. * Secundo necesse est, vt feratur non solum iudicis verbo, sed etiam scripto, quo excommunicationis causa exprimatur. * Tertio, requiritur iudicis intentio, & partis. * Quarto expressio causæ rationabilis, & manifestæ. * Iusta & valida est excommunicationis sententia, cù circumstantias omnes habet essentialiter requisitas. * Inualida, si errorem contineat intolerabilem, vel aliquid impossibile,

aut leue nimis, quale est peccatū veniale. * Iniusta est sed valida, quando caret aliquibus nō essentialiter requisitis, vt si non præcedant omnes admonitiones, vel non fiant in scriptis, si odio, vel iniqua feratur intentione: si autē iudex erat publicè suspensus, vel excommunicatus aut nullam habebat iurisdictionem, vel reus tēpore debito appellauit, iniusta, & inualida pariter erit. * Causa finalis est vtilitas & proximi fructus, nēpe vt resipiscat, & ad bonum conuertatur.

De effectibus maioris excommunicationis.

Cap. 11. 12. & 13.

PRiuat excommunicatio maior publicis Ecclesiæ orationibus, Missa, & suffragiis: actiua, & passiuā sacramentorum